



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita, Et Gestis S. Francisci Xaverii È Societate Iesv
Indiarvm Apostoli Libri Qvatvor**

Bartoli, Daniello

Lvgdvni, 1666

5. Iaponu[m] Dii, & sacra, verorum inimica.

urn:nbn:de:hbz:466:1-10854

sacrificiis, infinitum sit scribere. Sectæ in iis sunt ad duodecim, planc ab se diuersæ. Hæc Solem, & Lunam; alia bestias aliquas, interque has lupum; Camidas quædam, & Fotochas colit; illos regni semideos, istos ex Sinis peregrinos. Magna pars, athei, absque Deo viuit. Daemonesq; alij, tetra qua illum depingimus specie adorant, quibusdam immortalis est animus, præmiorum post vitam, & pœnatum capax. Non nullos habet delirium transmigraturæ in corpora animæ, pro vita merito belluina, plebeia, aut regia. E contrario sunt qui recidere illam in nihilum volunt, ut prius nihilum fuerat, quam in vitam mortalem subiret. Sed hæc quia flocci refert cognoscere, vel indicasse plus satis sit.

*Iaponiæ Dii,
& sacra, ve-
torum ini-
mica.*

Omitti non debet, cacodæmonis mira fraus, nouo illo in orbe, de Christi Ecclesia histrioniam facientis; assimilata illam scheme portento, versis in fabulas mysteriis, in superstitiones Sacramentis, ceremoniis in ritus sacrilegos, ut si quando se Christi notitia illò penetraret, discerni sacrum à profano; à verò mendacium non posset. Triadem in primis tricipiti statua quandam singunt, manibus quadraginta eodem ex trunko extantibus, quæ potestatem notant agendi exterius, utres personas naturæ unius designat statua. Denix vocabulo hoc monstrum nominant, & interpretantur eorum philosophi tria capita, Solē, Lunam, & elementa: corpus verò materiam primigeniam, quæ velut manibus elementatum, & cœlestium qualitatum fæse in omnia transmutat. Messiam quoque suum Xacam vocant, hoc est principij expertem; matre quidem regina, & vxore, sed absque marito genitum, cui proinde in somnis præmonstratus est hic partus, ne matrem abficeret tanquam adulteram, filium veluti spurium. Addunt extra cunas exilisse infantes, et cùmque in pedes, septem passus ad Orientem confecisse, ortosque ex singulis quæ vestigium fixerat septem flores. Inde cum sublatum digitum esset osculatus, professum se cœli, & terræ Monarcham. Adulsum verò in eremo Siani vitam redimendis hominibus diu solitariam, penitusque asperrimam egisse, ut suis meritis innocentiam præstaret sceleratis, inuocantibus salutem. Post è solitudine progressum populos docuisse, congregasse discipulos, & sequaces, grandia scripsisse volumina, quæ vocant fochechia, de reconditis sapientia arcanis, quorum pars porcellima vertitur, in probatione huius effati mirabilis; præter nasci, & mori; fieri & destrui, nihil præterea usquam esse; de nihilo atque in nihilum omnia redire. Estque videlicet hoc unum de maximis Euangelijs quod Xaca intulit arcanum; cœlo missum iactatur, & Dei dictatum; eo pulpitæ templorum; eo exedræ sonant academiarum; implentur, ac tamen lucubrationes de Theologia Iaponum innumerabiles, in quas iam rerum individuarum ab iis relata leguntur, millia quinque & viginti, & schola huiusc Bonzij, vix concionantur ad populum, præterquam de nihilo. Præstant hoc densatis tot rationibus, inductionibus, modisque tam efficacibus, ut dementati auditores, elatis interdum vocibus manibusque

manibusque, Nihilum, nihilum, simul omnes conclament. Functus præterea idem Xaca legislatoris officio, testamenti sui reliquit tabulas, præceptorum decalogo constantes; horum quinque scripto; verbo quinque alia tradidit, sed hæc adeò fœda, & turpia, ut nefas sit caræ committere. Illis autem homicidium prohibetur; alieni usurpatio; adulterium; mendacium; mæror in rebus extra remedium positis. Tandem annos bis mille cum vixisset Xaca, viuere desit, & luçtu anniuerario mors eius perpetuo colitur, vt apud nos Christi patientis; sed stulta fabula hunc eius obitum adornant, nimurum vndique terrarum ex quo quis animantium genere, morienti duo adstitisse, fele uno, & serpente exceptis, quibus sopor tam altus obrepserat, vt magno vocantis præconio expergefacti non fuerint, & hunc bestiatum tam communem concursum, præmij loco idcirco factum, quod Xaca octuagies millies bestia natus esset, priusquam homo nasceretur. Verum extra fabulam res habet, fusse Xacam egymnosophistis clarissimi non minis, natum patre Deli, Indiae intra Gangem rege; cognomento Xacam, & Buddam, quod Sapientem, & Literatum significat. Floruisse anno ante Christum millesimo; nunquam in Iaponia conspectum: sed missos ad illum à Sinarum Rege, anno Christi quinto, & sexagesimo legatos, qui pro excellenti quo erant ingenio, illius doctrinam condiscerent, & ad se referrent; inde illam ex Sinis primis in Coraium, post in Iaponiam latius se fudiſſe. Duarum auctorem sectarum extitisse, quæ sunt principes cæterarum: alteram eorum qui solitarij capita mille septingenta contemplantur, quorum ad ultimum cum speculando peruenient, nihil eis præterea quod discant superest, & à Zazzo ac Tundis (de quibus postmodum) inaugurarunt doctorum insignibus: alteram scholærum quacum alumni de rerum natura disputant, & scribunt arbitriis notis, & hieroglyphico caractere, ne à populo capiantur. Prædicant etiam publicè, sed alia omnia ab iis quæ sentiunt ad emungendam enim stipem, & frænandum vulgi sub magistratu licentiam, Deos afferunt esse, & spiritus, & aliam ab hac nostra vitam; inferos & beatitudinem; virtutis & virtutes, quorum scelerati nihil non prounguis, & fabulis habent; nihil enim sui doctrina imbuti, nihilum unum credunt. Præter Xacain alium adorant vetustiorem illo Deum, cuius Amida nomen priore syllaba sanctos omnes signat; secunda sanctas; tertia omnes bibliothecas. Conditorem hunc dicunt sedium beatarum, seu paradisi, millionium ab terra millionibus sciuncti triginta millibus: itaque animas, quamlibet valida & penna & halitu contendant, nisi triennio minimè illuc peruenire, at enim sedes beatorum nec vnas habent, nec vnos inferos; sicut quisque viginti, quos colunt dij, peculiarem habet paradisum, suosque inferos, in fundo maris, in aere, in luna concavos, in sole & alibi, quæ loca ut cuique singula perplacent, ita Deo paradisum eius dатуro, instantiū supplicat, absque ulla tamen dubitatione, Doctorum æquè ut rudium magna

Xacæ disciplina tenet, animam, & futuri promissa quibus Bonzij quæstū captant, in nihilum tandem recidere; vnde colluuios turpitudinum omnium immanis, & vita quadrupedum, mortem nimirum expectans iis consimilem. Hac animi persuasione, prodigiosum nihilominus tot Fana, Amido, Xacæ Camidibus, Fotæchis, ab iis sacrari, ut quibusdam in vrbibus, ciuium ædes numero suo æquent: arte magnificentia, supellectili superent: colossis ex ære, in medio erectis, & lucernis ex auro fulgentibus: regum videlicet quotquot in Iaponia fuerunt Deum suum nemo non templo augere voluit, veram ad sui memoriam potius in seros nepotes gloriosam, quam ad simulachri venerationem. Sed longè dementior famam in populos vtroneo suimet sacrificio emerent, furor & rabies. Suntque ij tam portentoso numero, ut tria interdum & quatuor millia naues simul descendant, ligatoque ad collum saxo, gratulante ad littus populo, pertusis nauibus dum sensim merguntur, idolo suo alacres, decantent, rogentque ex eo naufragio, in cuius devahi paraditum, quem putant in imo latere oceano: alij cauernis montium inclusi iusso sibi exitu obstrui, fame voluntaria perire deligunt, omnium habentur fortunatissimi, quos per se cacodæmon ad præcipitum dedit: in rupis altissimæ verticem adrepunt, inde Deum suum magnis vocibus inclamat, ut se inter brachia excipiat cadentes; adest sulphurario è cauo daemon, luce formaque aspectabilem se sistit; in eum miseri se saltu proiiciunt, & in vallem horrendam præcipites ad subiecta saxa conteruntur, suntque dæmonis in Iaponia martyres. Cruce verò se, sed obliqua signare, qualis S. Andreæ pingitur, incertum vnde acceperint, deprecatoriis globulis pronior coniectura, quos centum octoginta filo uno contextos gerunt, & ad singulos preculam recitant, verbis, & significatu nemini perceptam eique recitationi peccatorum attribuunt veniam, quæ pari capitum cum iis globulis censenda numero arbitrantur. Datur etiam, ut apud nos virginis salutandæ, sic apud eos precandi signum certis diei horis; ad hoc passim de genibus manibusque sublati, Deum quisque suum orant, & adorant. Sunt peregrinantes ad loca sacra; & pœnarum & culpæ condonationes, ex præscripto quotannis ea videntibus. Est illud etiam Confessionis Generalis tribunal horrible, reo in lanceum imposito subiectæ voragini imminentem. Sunt supplicium agmina, magnis ordinibus, deorum simulacra inauratis ferulis circumuestantium, suis est item Reliquis honor.

Meaci præsertim Xacæ denti maximus defertur; cœlum aut pluuum, aut serenū optent, putant dente illo extra fanum prolato, se id impetrare. Datur suis quoque per annum festis locus, mortalibus inter alios quæ lunæ septimæ quarto, & decimo obeuntur, cum enim triennio animæ egeant ut in Paradisum deueniant omnium maximum, fractæ labore itineris, ter humi confidunt vires receperunt, quare illo die cena illis ponitur à propinquis lauta, & magnifica; exitur iis obuiam extra vrbes sub noctem, ut excipientur, exceptæ inuitentur, domum deducantur.

cantur, ac ne quā per tenebras exercent, vel offendant, ignibus vici emnes, & facibus collucent. Mensam ijs domi ponunt, discumbere somniant, & flatu, ciborum substantiam ducere, illā refici, & vires resumere. Exacto die cursatur domo omni, lapidatione, fustuario, magno strepitu pelluntur foras, ne quas forte ignavia ab integrando itinere auersas, paradisi faciat contemprices.

6
Huic Dæmonis synagogæ deerat anima, nisi, ut deiformi conuenientia Christi Ecclesiam imitatur, ita suo etiam Clero, Dignitatibus, & Clerus id-
Ordinum gradibus, ex uno aptis Hierarchia capite fulciretur. Igitur Iol. Iapo-
Meaci, vrbe imperij principe, sedet quem dicebamus Zazzus, & sum-
mum velut Pontificatum gerit. Penes illum est rerum summa, quæ ani-
mum spectauit, ritus instituit; Imperatores quos libuit inter Deos re-
fert; illosque honoribus Camidum impertit. Sectas probat, quas mul-
tas & sibi inuicem magnopere aduersantes librorum Xachæ obscuritas
peperit. Denique Fuinos & Tundos consecrat, veluti dixeris Patriar-
chas, & Præfules, à quibus deinde creantur Sacerdotes, & potestatem
accipiunt sacrificandi odoribus, meritaque Xachæ, & Amidæ, in vita-
rum bonum, & functionum quietem conferendi. Præter hos sacrorum
ministros sunt Bonzij, vacias professi religiose formæ familias cineritias,
nigras, solitarias, cœnobiticas, propè numero infiniti. Sunt quoque
Moniales, quas Bicônes appellant, veneficæ plurimum & incantatrices;
quæ foris virgines præferunt Bonzis ad nutum turpissimè, ac flagiti-
fissimè seruunt, ab his omnem Iaponiam prodiit secleratum inuentum
ponendi vteri, & partis abigendi, fere illic fœminis vulgare. De cœno-
biis, ritibus, sectis, Theologia Ponziorum, quæ ab testibus didici, &
oculatis, & diuuenis, ingens volumen confeccerint, esto, curiosis for-
sitam placitum; sed parum utile; quin imo vereor, ne in iis quoque
sum nimis, quæ verat Historia sileti, adeo sunt detestabilia, radunt om-
nes capillum, & barbam, cœlibes agunt, carne, piscéque recenti ab-
stinent, in Lunæ ac Solis exortu, statisque per diem articulis campanæ
sono congregantur, cantant alternis choris, & versibus Xacho quædam
deliria. Cæterum natio, totâ Iaponiâ facinorisior, & contaminatio
nulla est, vt qui præter alia fautorès sint nefandæ libidinis. Dumi enim
(scribit Xauerius) inuehente me pro concionibus in tantum nefas,
moueri se horrore illius populus indicat, nictando ipsi, & oculis dicta
eludendo me rident, & abeunt; nec possum satis demirari, hoc ho-
minum genus in omni vita publicè tam flagitosum, tantam nihilo se-
cius habere apud omnes, etiam ipsos Reges venerationem huius tamen
rei triplex videtur causa. Primum quod familiæ regia cum in Iaponia
sint tam multæ, & ex multis quisque vxoribus tot suscipiant liberos,
non possunt omnes in sæculo paternis opibus dignitatem tueri, est
enim tenuis regionum illarum copia; ob id facilè inducuntur ut Bon-
ziorum sectentur institutum, inter quos à puero educantur illis ergo
honorem, nobilitas sanguinis non ægrè conciliat; Deinde cultum suo-